

沉吟樓詩選

清人別集叢刊

沈吟樓詩鈔

上海古籍出版社

《清人別集叢刊》編印緣起

一、在馬列主義、毛澤東思想指引下，全國億萬人民正爲實現黨的十一大路線和五屆人大提出的新時期的總任務，開始新的長征。一個建設社會主義科學文化事業的繁榮時期，即將到來。爲了適應學術研究日益增長的需要，我們遵照毛主席關於「古爲今用」、批判繼承和清理我國古代文化遺產的一系列指示，決定有計劃地進行部分的古籍影印工作，作爲古籍整理出版工作中的一個組成部分。

二、清代是我國歷史上封建社會的末期，鴉片戰爭後又淪

爲半封建半殖民地社會，三百年間，在政治、經濟各方面都有重大的變化。它上承二千餘年封建社會的殘局，下開百年來近代史的新面，表現在文化學術上，具有不少成就，留下了大量的著述和作品，值得我們今天來鑽研探索。《清人別集叢刊》的刊行，就是試圖從衆多的清人著作中，以作家爲主，選擇其內容較有價值、板刻較精而又流傳稀少的集子，分輯（每輯若干種）影印，爲學術界提供研究資料。

三、本叢刊所收別集，其思想內容上的選擇標準如下：（一）在文藝上較有成就，或能代表一種傾向和流派的；（二）在思想史上有較重要地位，或影響較大的；（三）在學術研究上有相當

貢獻，可供今天借鑑的；（四）保存史料較多，可藉以考見當時政治、經濟和文化等方面的若干情狀的。

四、本叢刊於所收別集的板本，皆力求精善，全部影印，以期保存原書面貌。板本選擇原則如下：（一）未經刊刻者盡量用稿本或精鈔本；（二）已經刊刻者盡量用原刻初印本，或經原作者校正增補的定本。

五、由於我們對影印古籍的經驗不足，而於清人別集的調查研究也未能深入，工作中一定會存在很多缺點，熱切地盼望讀者和專家們隨時指正。

最後，本叢刊在編印過程中承國內各大圖書館熱忱協助，

提示對選題的意見，並惠借最精板本，對此我們表示衷心的感謝。

上海古籍出版社 一九七八年十月

出版說明

《沉吟樓詩選》一卷，金人瑞（一六〇八——一六六一）撰，劉獻廷（一六四八——一六九五）選。

人瑞原名采，字若采，又名喟，號聖嘆，庠姓張，長洲（今江蘇吳縣）人。少補長洲博士弟子員，以歲試文怪誕不經黜革。及科試，又頂金人瑞名就試，拔第一，補吳庠生。入清後，無意仕進。一生好衡文評書，嘗謂《離騷》、《莊子》、《史記》、《杜工部詩》、《施耐庵》、《水滸傳》、《王實甫》、《西廂記》依次為天下六才子書。以批點《水滸傳》、《西廂記》著稱於世。順治

十八年（一六六一）二月，世祖遺詔至蘇，巡撫以下大臨府治。人瑞與諸生訐吳令貪酷不法事，羣哭於文廟，鳴鐘擊鼓，集千餘人，至府堂，進揭帖，遂被捕入獄。以震驚先帝、聚衆倡亂等罪處決。同時被斬諸生共十八名，史稱哭廟案。

人瑞詩作原僅刊行沉吟樓借杜詩二十五首，另有若干殘篇零章散見他處。今詩選按體分類，每類又多分爲兩部分。一部分爲劉獻廷當時所選錄，大抵按年排比。另一部分爲人瑞壻沈六書輩增輯，多標明逸詩。獻廷字君實，又字繼莊，號廣陽子。曾有《廣陽雜記》四卷聞世。今殿印於後的《廣陽詩集》二卷，過去則僅有鈔本流傳。獻廷博學高論，爲當時學者所重，

其思想與人瑞多有相通處。生平極許可人瑞，吳人亦以人瑞與獻廷并稱。金遇難後，劉長期寓吳，與人瑞子雍過從。故詩選出於獻廷之手實爲可能。

人瑞爲有清一代有影響之文學批評家，然歷來對其評價則分歧不一。其原因蓋或由於過去散見於筆記傳聞者常不足信，

從其批文雜著中鈎稽而可資研究者又往往不多。今詩選都凡三百八十餘首，對人瑞早年之優裕生活及中年潦倒、抑郁苦悶之景况均有所反映，可供參考者不少。其絕命詩三首則可審知人瑞臨刑前之真實思想。另一些詩作則可見其對清統治者之態度。至若交游酬唱之作，在查考上亦有一定資料價值。

《沉吟樓詩選》有俞鴻籌讀後記，《廣陽詩集》有顧嘉譽誌
及王大隆所寫書錄，今各爲分印於兩書之後，供參考。

上海古籍出版社 一九七九年六月

沉吟樓遺詩序

自古讀書作文識爲尚至韻語一道尤貴神解以韻語緣情而生非直說理而理固苞含周通其始適然而來其卒渺然以往其動宕之激越之不自知俵乎鼓軒乎舞焉而又適應其節妙與天會固知非神解者不能讀不能作矣前輩文士若吳趨金先生及廣陽劉先生先後世出而識畧同余聞竒之世徒見金先生書偶近遊戲知爲滑稽之流顧其人冥心學佛人其讀書千古如面要於詩道甚深論古人則曰莊騷馬杜夫南華楚辭太史之書間有所發已足流示若少陵詩於唐人中言之加詳

意其理解獨運及見沉吟樓遺詩若干篇乃知先生於少陵寢
卧言笑才彌高而用心蓋彌篤也平生吟詠極多不自惜此為
女婿沈君六書所抄什伯之一外孫元一元景慧且博有先生
風幼受書母夫人與余誦倡相厚無間故得悉徵其殘書是刻
也先以壽世曾屬劉先生手校殆必傳無疑者噫繼自今先生
詩人見之人知之矣劉之詩余見之余知之無人為之傳也近
世旁羅百家稱神識此兩人而已詩其可漫滅也哉

雍正五年首夏日吳江李重華書

沉吟樓詩選

吳趨金人瑞聖嘆著

廣陽劉獻廷繼莊選

古樂府

望城行二章

金城十二重重天
桃花上鳴鴛鴦
鳥下馳油壁
車美目交盼
睽繡領爭傾斜
纖手持輕巾
面面作驕奢
若非河陽眷
必是董君家
見此佳城市
誰能不咨嗟

金城十二重
青雲停如蓋
雲中何所見
歷歷文星會
爛爛照金

城街衢何廣大東西咸雅步南北盡垂帶君子名無咎小人號
不害見此佳城市孰敢不自艾

前有一樽酒行曲傳元

前有一樽酒眼花當牕牖佳人殊未來鳴琴適在手下弦彈一
心上弦彈萬壽萬壽不可期一心固長久陽春多福祿遲與子
同受

天行篇

皇天與壽命而其勢顛延今夜是何處持憂問金仙金仙知我
憂秘笈開靈篇云無後在後亦無前在前稽首辭大道吾將與

之然

招商歌

漢靈帝曲

荷花夜舒晝日偃
荷葉動搖風晚涼
玉色女兒近如遠
吹簫合笙聲
燁婉千秋萬歲心自付

秋蘭篇

傳元曲

秋蘭綠葉紫莖照水一何分明
水上芙蓉並蒂花下鴛鴦麗情
花亦萬歲不謝鳥亦千年不驚
賤妾與君一室共樂仁王太平

飛塵篇

傳元曲

飛塵翳青天桂樹虧月光
明鏡豈不滿美人映中央
具茨神靈

境七聖非所當

車遥遥篇

傳元曲

車遥遥兮馬遲遲
吾悅君兮君不知
君不知兮轉去遠
風花無常陽春晚
願為晚春一片花
憑仗風吹來天涯

雜歌

傳元曲

烏有翼車有輪
密遣二人其變如神

日昇歌

登山望朝陽
丹雘無端鳴燭龍
全身驤光華
未離海其勢照萬方
此物如可攬
持用獻君王

三光篇

劉孝綽曲

三光無自性靈篇相同互卯日懷雄雞西月抱純兔北斗頌衆
星歷歷皆太素

夜坐吟

冬夜夜坐坐轉寒四更猶淺三更殘酒停酌琴罷彈詎有憂但
寡歡欲告君其辭難無一語有萬端

秋思引

湯惠休曲

秋風蕭々夜渡河秋河鱗々朝微波思君知君不思我亦欲不
思如思何

悲落葉四
章

悲落葉葉落悲昨日同條并心住今日隨風着處吹

悲落葉汝亦未曾少躊躇今日落明日詎能持上枝

悲落葉葉落不記初生時宮中正造鴛鴦殿葉上鴛鴦殿上垂
鴛鴦新殿新人住春日春心誰不妬碧玉破體嬌未歇絳樹學
歌初一度初一度聲未絕促柱鳴短簫切短簫促柱通金風樹
樹紛紛落如雪新殿新人心暗驚立春歷日乍通情只今出眾
猶羞澁早見堦墀不可行

悲落葉葉落終成灰與泥紅顏綠鬢盡如此那能對鏡不悲啼

楊花曲三章

青瑣當花閉，貞女背春眠。寸心持相思，通身持可憐。
柳樹今朝暗，浮萍明日齊。三春成怨節，雙眼只教啼。
開門愁春光，閉門愁春陰。春風吹人心，春人心易淫。

昇平歌
章

地下千雷震，天上萬日明。人間百憂畢，今日逢昇平。
昇平大道理，一言非所詳。君子坐金殿，小人還故鄉。
好男不越境，好女不夜啼。好花不過節，好鳥不食泥。
初日照杏梁，窈窕羅幃中。女兒年十五，春情稍能通。

三五喻金鏡三六喻金玦人生可憐虫克日稱前哲
東望楊柳橋南望芙蓉池西望明月樓北望萬里碑
大婦治羔羊中婦劈荔枝小婦注清酒共樂昇平時
死生自有命富貴自在天安用昇平時持憂自相煎
有酒聊擊鼓無肉但哺糜安能昇平時弄此錢刀為
昇平大時節我欲與君誓死為一處灰生作雙花蒂

永明樂釋寶月曲

金經直如線寶緯密如雲我唱永明樂天地非至文
大樂乃無相大禮乃無聲一人垂衣坐萬寶中秋成

四方四雙樹中央中天座天下方太平今夜宜宴卧
光風轉百草靈風浥微塵百姓齊上聖四時皆仲春
殿堂日月正畿甸風雲齊四面成寶海中間施金梯

日出東南隅

春日升東南桑葉生光明秦家十五女此時酬使君

驚雷歌

傅元曲○
吟樓逸詩

○沉

驚雷殷兮百里蘇庶民動兮天地在涂千古萬古兮爭此須臾
不有禮樂兮曷用相扶

雲歌

傅元曲○
吟樓逸詩

○沉

白雲荒荒兮流天庭青雲停兮今天中停白雲荒兮散而為波

青雲停上為當奈何每上如此學

古歌銅雀辭魏文帝曲

長安城南雙門關中秋十五延明月一照聖人生再照聖人沒

沉吟樓詩選

吳趨金人瑞聖嘆著

廣陽劉獻廷繼莊選

五言絕

深秋即事

野士心無染秋泥滿戶
廓沙寒魚散去巢落燕歸飛

賦得春江花月夜

可憐春岫動不覺夜江平
隔水通花氣兼寒受月明

清明前一日集香齋

綿上草初綠
祠前春正長
却忘禁烟節
洗手欲燒香

沉吟樓詩選

吳趨金人瑞聖嘆著

廣陽劉獻廷維莊選

五言律

佛燈

人響漸以定虫於佛面飛象牕關夜氣四壁得清輝
暗處正全好光遠應自微高深三子共端不貴忘機

贈戴雲葉

子兄吾所憚與子故加親世禮共疎濶立心互苦辛
香邊無異

息燈裏識分身不信除吾子人間更有人

婦病

婦病連年月襟裾不復全降嚴隨子女背眼棄釵鈿書鼠驕游
枕春虫化出奩啣啣聽不得一笑當相憐

訪魏德輔不值

訪君無一事不遇亦悠然野菜繞門出小虫當戶懸書厨寒有
鬼童子倨如仙我亦便歸去闕牕獨自眠

深秋即事

四章

山僧求飲食往往出門行義不負茲飽感人開戶迎說經酬飯

價迴施合凡情彈指自歸去寒山萬木平

宿生曾受律今日若為情菜果偶然缺魚蝦聊作羹草虫瘠一
致牙齒有餘清夜雨諸天讚斯人不殺生

聖人何窈窕秋日出村行晚雨可憐過寒虫聞一聲草心猶欲
長水法已能平僮僕隨身慣猶無宋玉情

秋色輕於夏新從窻裡知墻陰先欲夜草葉自相吹人漸行籬
下花如在水滄舍悽不敢說海水恐相移

送維茨公晉秋日渡江之金陵章十二

秋日涼風動兩賢同載行緣江沙岸淺迎檝水花平獨悟文言

盡相知心眼明忽然逢舊事元是石頭城

早歲秋漸雨渡頭泥水多可憐無蠟屐不得唱驪歌賤子生成
懶至人知奈何別時不相送別後亦靡他

入舟家事畢心目一為閒漸覺無端動方知多未刪野花能改
岸帆影解隨灣此事經年說誰踰大德閑

今年三十外舊鏡得新霜同學漸有事衆經未成章二公又離
別一秋無紀綱得歸幸及早有約毋相忘

頻年入秋夜夜夜共冷冷二士今為客孤燈誰說經月明何處
起江響若為聽此義無遠近今宵有夢靈

涼秋今欲半，乃為清江行。江行無風浪，亦有涼秋聲。大義誠無言，小弟欲問兄。兄但聞秋聲，小弟大義明。

物動由來住，江行想不忘。鷗終分棹尾，罾已對漁牕。岸上花兼竹，雲上白變蒼。粗人驚迅疾，聖者嘆安庠。

如何江光裡，印此雙蓮華。一義歸無處，兩人寂不譁。魚龍能宿悟，水月來交加。李郭知何事，仙舟亦自誇。

燕磯微雨濕，霽日龍關開。氣象果一變，風雲何壯哉。先皇征戰去，君子觀光來。先後竟誰是，天風吹酒盃。

日光媚木黍，寒景開田園。我或讀經罷，獨行觀水痕。忽上念素

友雙七留白門白門不知處水痕那可論

飛葉舊時事江深檝奈何比來迎汝慣但渡更無波二子乘舟
影仙雲帖水過持將問王獻得失未爭多

庭月照江去真成離別人夜涼曾不減君子嘆何頻酒價今年
重菊花仍舊新無因為九日相望一沾巾

賦得二月流鶯入建章

紫殿晝無聲黃鶯何處鳴停箏樓上女親見入重城二月三春
節十門一例情妬他南陌外履舄接連行

病中承貫華先生遺旨酒糟魚各一器寄謝

悠悠罷彈鋏頓頓食無魚卧病煩同學提携過艸廬加餐倍珍
重醉後默躊躕冥報成何語相敦自有初

貫華先生病寓寒齋予亦苦疢不已

客有維摩詰身非妙吉祥高秋同得病清晝坐敷牀用乳新開
禁消香未有方衆生滿眼是何以濟滄茫

外甥七日

亂離存舍妹艱苦得添丁敝宅人常說啼聲我既聽四郊方斬
馘七日爾生靈造物真輕忽翻歡作淚零

釋玉忽然作詩佳甚寄此相勗

章二

已欽聞法早又見作詩新
拔地搜元化衆風搦鬼神
選通須妙偈成佛許文人
自古伽佗手當時詞客身

顧子天教死菁華定屬兄
新詩連偈作成佛帶文名
四句難酬價千華易貫成
祇求驅李杜無乃大龕生

喜見境哥

化傳
襪履

依舊迴廊下驚新到客前
珠池明月在金鎖石麟眠
矯習升書案天機弄采箋
賢公嗔太早昨日正茫然

憶舍弟

舍弟西風裡流離數口家
近聞棲水泊托庇在天涯
火食何由

得兒童那不詳何須逢盜賊多恐化虫沙

病起過道樹樓下

小弟三秋病先生每日心晚床新試坐輕杖便相尋喜躍徵童
僕暎違指樹陰蒼中無飲酒樓下對彈琴

改兒子詩吟此

詩自何人造天機忽盪成至今無字句空裡出音聲童子興殊
異晨朝篇已盈得題隨屬草多恐失章程

婦病

婦老周旋久呻吟入性情貧窮因諱疾并白且傷生夫子漸衰

暮兒曹全未成百端寒熱裡悞汝一身嬰

兵戰

兵戰茲初試凶危敢道過舊人書裡失新哭巷中多天子宜長
壽將軍厭寶戈定當逢此日黔首竟如何

春雨同德輔雲葉舍

密葉全經雨疎花未點泥避人成晚步着屐到幽棲夜飲消膏
燭春城雜鼓鞞偷歡真不易明日又東西

春末懷周栗仲

經春消渴動隔巷美人疎官署如冰雪蓮花對簿書相思每中

夜夢見必山居何日樵樵下同皈心地初

同升妙泛舟訪粟仲於東城僧舍不值悵然即返

野水接連處高僧止靜時到門窺草樹滿望觀威儀一院晚花落諸天中食飢終然不得見與子復何之

元暉渡江一首

關河將雨雪君子復何之詎惜衣裳薄誠憂盜賊時渡江如絕域分手更何期敢道三春節

女兒曲

女兒初蕩漾春日復優柔秋水真宜笑輕蛾詎解愁熏香籠袖

坐開戶弄春遊自說腰肢軟君看上翠樓

夢見泌齋

春夢不欲記夢君偏動心楓林通夜黑江水到關深亂世書難
得他鄉病易侵一雙離別淚直滴到如今

小史婚

小史翻也去年婚
未有詩今補作

花裡秦宮艷中碧玉微天桃初巧笑蛺蝶早雙飛定是同窺
鏡無妨悞着衣房中多秘戲所惜一人違

鴛鴦詞

此鳥何名氏雄鴛雌曰鴦雙仁來玉淑兩仁轉金塘葉密成歡

被花深亦洞房千秋與萬歲那得暫相忘

住天池別業

金銀今世界冰雪道人心野鶴何天去孤雲隨處深臨風時拾
椽候月對彈琴徒有高山在誰聞流水音

獨坐咏懷

空齋誰與語開卷尋古人警歎竟如故典型誠可親庭花爭弄
色林鳥靜鳴春安得素心士相携數夕晨

雨夜喜沈方思見過

暮色正愁坐雨聲殊愜人扁舟高士過寒夜草堂春妙句難酬

對立心共討論雲山本異地何幸得相親

銅餅

以下十八首俱擬杜少陵作

美人脫織手此日下寒泉
泥蝕夔龍盡天令體格全
遭時方喪亂欲汝更遷延
明福全無信深為早出憐

可惜

擬杜少陵

花汝有何恨連朝力疾飛
不愁罇罄盡可惜興全非
子美篇已老陶潛頓口飢
遲生又十載惆悵與誰歸

寄高三十五詹事

亂後人逾少年高心最孤
何曾一日夕不望問泥塗
水落雙魚

盡春深一雁無不然雖宦達未至棄潛夫

李監宅二首

擬杜少陵

天且忘龍種人猶選雀屏春風開貳室花燭對三星特達排時俗分明合禮經亦知鷹隼器一為刷毛翎

龍子應歸海鷁兒暫借巢曲房花灼灼深夜烏文上揮手停簫管封侯覓鼓鏡出門騎馬去昨夜婦親教

熟食日示宗文宗武

消渴春尤甚兵戈道正長今朝吾熟食他日汝還鄉夢寐通墳墓神靈缺酒漿會期殊不遠何以答祠堂

又示兩兒擬杜少陵

令節非吾事他時識此言懸知多涕淚且復強盤殮骸骨拚如此
田園曷用存江洲與長葛隨汝使招魂

湘夫人祠少陵國諸臣擬杜

緣江水神廟云是舜夫人姊妹復何在虫蛇全與親零幘儼然
坐偷眼碧江春未必思公子虛傳泪滿筠

上巳日徐司錄園林宴集擬杜少陵

白髮了無興青春勉就人祓除全怯酒杯酒暫沾唇不棄群賢
德難支老病身明年誰會此天道最泯泯

宴胡侍御書堂

公自註李尚書之芳鄭秘監宙同集賢歸字韵○擬杜少陵

餘日簾鉤盡新院落飛移樽就書架點筆候燈輝天下吾儕
事文章舉世非厭上畢今夜僕馬汝先歸

吾宗

擬杜少陵

吾宗老孫子無譽足耕田僮僕皆知命羊牛盡太平三秋陳曬
日五柳板門前日照便上腹遺經百十篇

麋

擬杜少陵

青谿間最遠未必接華筵何事烟霞客陳身七箸前吻上微不
慎濯上竟難全革草今從長餘生已不還

天寶初南曹小司寇舅於我太夫人堂下累土為山一簣
盈尺以代彼朽木承諸焚香甕上甚安矣傍慈竹蓋
茲數峯巖峯嬋娟宛有塵外數致乃不知興之所至而

成詩

擬杜少陵

經營同愛弟巖壑入庭除真有雲煙出兼之竹樹疎諸天香裊
裊萬壽樂徐徐至性何多媚終身天寶初

王十五司馬弟出郭相訪兼遺營草堂貲

擬杜少陵

生涯丁此日吾道在江邊直為林塘好非求卜築偏城中盛冠
蓋表弟獨哀憐不特存衰老兼能割俸錢

提封

擬杜少陵

提封盛唐國猶故太宗時直以軍書下翻今百姓疑臣嘗聞俎
豆素不學旌旗田野荒蕪甚深憂黠虜知

王十五前閣會

擬杜少陵

晚晴江岸濕老病杖藜難值汝登高閣來呼心所歡江魚不厭
細破腹未容餐竹葉禁三爵銀花只滿盤

新月

擬杜少陵

新月如殘月微嫌易入西不隨初日照却趁落霞低桂樹雖無
恙蟾蜍竟欲迷五更曾見者似覺有隣雞

黃魚

擬杜少陵

自分終已峽誰知列上筵
偶乘風浪出遂受網羅牽
綠藻君從密清江我不還
惟慚未深隱那敢望人憐

效西昆體

星河將夜半雲雨定微寒
屨響私行怯憲明欲度難
一雙金屈戌十二玉闌干
纖手親捫遍明朝無跡看

獄中見茉莉花

名花爾無玷亦入此中來
誤被童蒙拾真辜雨露開
托根雖小草造物自全材
幼讀南容傳蒼茫老更哀

夜與無動語因及德輔雲葉

沉陰樓逸詩

父老江東盡星辰此室多威儀成梵網咳唾入伽陀尚有無雙
士應居第一科思之不得見回首指明河

閒坐舍邊小橋上思德輔不知在何處

沉陰樓逸詩

良辰寂無事托興欲相過萬法橋邊少諸天林外多潭潭不見
影雲淺遂如波坐久悵然去知君奈爾何

野行

沉陰樓逸詩

依水遂行去不知何所之何妨斷橋下一杯土神祠暮景全非
午歡情總入悲亂虫飛不盡世事只如斯

訛傳境哥被虜逸詩

我有無邊誓山泉正碧滋秋風聞鼠竄夜雨失麟兒走卜皆云
吉來人更問之祖宗無失德天地或偏私

懷聖默法師逸詩

軍陣叱唬虎尊師狎海鷗孤城衝險入末法誓身求近日去何
處遠方聞可憂同人來慰我所恃是調柔

住般公持院旬日有虛栗仲見訪逸詩

暫住水晶域深違白雪人間身如在舍連日並為仁海鶴又獨
去長松無四隣夜來天象暗不信有星辰

浩蕩詩逸

浩蕩當年客飢寒八尺身人方雄盜賊我合哭麒麟白日不能
暮柴門空對春魚龍連夜戲厭飲爾何人

題徐松之詩二首逸詩

徐子傷心士斯文似九章客雖乘白馬臣且牧羝羊近事多難
說傳聞或未詳副車皆不中三戶又淪亡
慟哭竟無極歸來且別圖榛苓人最美冰雪道方孤海水為多
少蓮華定有無君文能繡淡恃此足歡娛

元暉來述得生事一首詩

亡命真不易受恩殊復難
縱然無戮辱何以免饑寒
豺狗方驕橫鸞龍總破殘
親朋連月淚誰望爾生還

對雪次韵逸詩

寒人開窓坐貪看天雨花
風飛疑是絮梅綻未成葩
玉樹誠堪愛冰肌已久誇
歲寒我羨爾到處淨無瑕

陳定齋大僕辛丑春初索得雄
正值普門誕日是日郡縣

恭接

今上登極詔書適至賦詩紀瑞
文莊藏書悉在潛確居故五有不拔之句
泰卜占熊日中天降冢時
杏花連上苑楊柳媚軍持
不拔蘭臺

業無邪太僕思風雲有相濟 新詔布康熙

定齋敬奉靈巖法旨生子不得殺生合十再賦 逸詩

一子初生日諸天共喜時尸羅交口唱秧樞敬心持師友蒙諄
切親朋盡諦思上方借湯餅香佛笑顏熙

有感呈諸同學 逸詩

世事已如此吾儕不隱居干戈隨地有禮樂與時疎學士宜飛
錫深山可結廬還同林下宿晨夕論金書

遊龍門奉先寺

借杜
逸詩。

一遊真遂去幾欲失招提月直夜將半霜寒烏未啼下民全夢

寐上界入玻璃心地能無動棒答我念西

沉吟樓詩選

吳趨金人瑞聖嘆著

廣陽劉獻廷繼莊選

五言排律

長夏讀杜詩有懷明人法師却寄二十四韻

仲夏涼如水離羣我欲悲誰能誦經罷不與好人期娟竹臨
几間房滌素覽晚齋承茗粥吾道在隄廩萬里橋西宅龍門寺
後詩冬春惟眼淚玄肅最微辭况復懷人苦兼之體物竒金聲
齊雅頌玉尺辨毫釐墜地千家舊開天一旦誰有人今獨斷無

筆敢相追遂念空山客人稱絕世姿貫休真妙手清畫實名師
自看疎廬月全違絕草儀寒塘飛白鷺深樹失黃鸝受歲能無
熟經行可得宜過庭臨幾遍秋水注何時異縣猶當見同岑那
不知承聞此長日讀杜以安居六月携冰雪千春樂鼎彘白雪
真自悅芳草不相思僕本離騷客心憐幼婦詞泛舟常得上河
水奈彌上君果留青眼能誰舍白眉便須圖旦暮來與共樵椎

和李頌長壽寺繁公院新釐井之作

擬唐王維

清畫蓮花界閒身大德房散齋觀釐井陰樹議安床竹挂虫囊
便盤澄鳥食涼手中尋白苧齒木有垂楊遍愈衆生病潛流秘

密章何人春灌頂
統此夜行香
鉅鉢今生足
輪繩宿世忙
感茲生
晚悟持以事空王

沉吟樓詩選

吳趨金人瑞聖嘆著

廣陽劉獻廷繼莊選

五言古

讀十五國風吟此

日落采蓮歌月出江南弄楚客調本急越女心又痛扁舟公子
宿兩岸夫人憚扁舟大江駛無處得折衷

池上篇

幽賞積秋夜夜積秋賞成遂有一卷文持繞池上行天地浩茫

茫至道清且明吾身亦萬物孰感誰受驚潛魚通圓波微風灑
輕雲波於魚無怨雲與風不爭稽首問大儒虫已同下民

客從東方來

客從東方來容顏一何喜借問持貨無懷抱蛟龍子今世不得
價來生定當市

敬生誦經寶林寺訪之作

我心初歡喜天雲又駘宕渡橋入蕭寺美人正梵放潛氣不可
知哀音一何暢龍鬼失顏色墻壁盡回向信子滿月人前身蓮
花匠不然何今日會洎訪方廣稽首釋迦文聽我作是唱生才

有如此吾道正無恙

除夜彈琴擬唐常建

連日大風寒哀哉歲云暮鬼神來窺測遙夜不可度
深心多沉吟獨居生怨慕何不彈素琴一暢風雪苦
是時初三更衆響不相遇閒軒成皇初疎指妙心悟
心裡此斷絕天地亦恐懼朱絃黃金徽豈得闕其故
再彈復三彈禎祥啓春路不信開東窻視此青_上樹

貧士吟

貧士何所有兒女一屋聲衣服候時節意思滿燈檠
寒風始蕭

索雅步無光榮忽然仰天笑明歲當成名

貧婦吟

貧婦如野花亦向春風好千計求晨炊梳頭只草匕織麻復織
麻麻多織未了不知美容顏竟向機中老

孤兒吟二章

孤兒非嫂生安望嘗嫂美自不勤梳沐乃欲頭創平唾涕面上
繪蠟虫衣外行爺孃忍心死誠哉累阿兄

野狐無仁義中宵入雞棚嫂驚雞亂叫樓上搥床聲兄嫂一齊
罵雞死汝亦并孤兒眼迷離夢娘裁花綳

古墓吟

誰家古墓田草滿乳羊眠物理自無定曾孫非不賢舉頭見餘
照低頭生暮烟歸來兒女競不語坐牕前

長夏作

況陰樓
迷詩

仲夏足時雨良苗散平疇日光既隱映水氣浩未收策杖升高
原盪胸總芳洲生理遙慰意謀道今無憂斫竹朝豁牖引水夕
成溝花葉陸續春瓜豈爛熳秋門人抱經來肯酒為淹留連林樹
接色儷鳥鳴相酬吾生終有涯至樂尊無求日晏體欲卧君行
亦當休鴻鈞諒無私百歲亦易周微躬足可惜何為貯煩愁

沉吟樓詩選

吳趨金人瑞聖嘆著

廣陽劉獻廷繼莊選

六言絕

新晴上午躑躅無侶獨坐舍邊小橋看天四垂送詩

新晴萬物畢暢曠野四天盡低豈惟同袍不見方且我情亦移

暮春到虎邱看石觀音像與門人釋曾坐樹陰中最大詩

黃鶯曳聲斜度綠水帶花順流大士何年化石恰似兒女莫愁

汎吟樓詩選

吳趨金人瑞聖嘆著

廣陽劉獻廷維莊選

七言絕

燕子

殿中雙唱御經筵
殿下千官未進箋
燕子不知防執法
御花正臨聖人前

清明

清明正是落花時
百舌聲中折一枝
惱殺東風太無賴
公然來

我手中吹

聞笛

何處誰人玉笛聲
黃昏吹起徹三更
沙場夜半無窮淚
不待天明盡散營

癡叔

吾家癡叔未知名
壁上題詩我暗驚
應是池塘無限草
春來夜夜夢中生

關門

關門對雨靜焚香
到地垂簾孟夏長
小婦橫舒金粟紙
先生篆

寫遠遊章

秋夜宿靈法師房

今秋禪誦事何如古寺牕楞眼最疎
半夜高僧缺銀燭一輪寶日照金書

早涼

早涼起早遶涼行海上霞明月尚明
一個鷺鷥衝起露荷花荷葉並為聲

春江

莫向春江着處行春江春水古人情
此江肯貯古人淚應比今

春春水平

宿堯峰下院

三更三點月中天上
方下方同悄然下方
方眠又聞磬方辭上
方還未眠

贈友

楓林社鼓君懷肉
桑樹雞喧我叩門
無復細君沾汁滓
又呼隣
老共壺尊

銅雀臺

銅雀臺中事
悲靈風
械上暗開幃
美人通夜朝
幃唱盡是先

生自作詩

境智二童子

一雙二妙並行來
取次衣裳照樣裁
滿口離仁含黑墨
杏花壇上讀書回

晝寢女道士

冰絲通臂藕花冠
水簟湘簾六月寒
隱几只今神女廟
奏書昨夜玉皇壇

訪周栗仲不遇四章

我為怕官成遠蹈
君因厭客覓深居
悔無隔世三生約
遊與當

時一例疎

虎邱最有高僧院
院院門曾叩
來山後山前都不見
春風滿地野棠開

李白乘舟真逸去
汪倫送客若為情
桃花岸上流水縱有踏
歌何處行

從今身世浩茫茫
不覺冬春去若忘
即日遊良鬚髮白
懸知餘會是荒唐

三吳

三吳二月萬株花
上裡開門處
上斜十五女兒全不解
蓬人輕

易便留茶

睡足

綠梧桐葉三四樹
碧筵箔花一兩枝
睡覺正逢冷淘喫
浴畢足有涼風吹

效李義山絕句八章

花氣初聞露氣乾
日光無力鏡光寒
一雙白雪髭
床上滿手春雲第二盤

客去陽關竟不歸
青上楊柳又春暉
渭城連日何曾雨
淚濕故人身上衣

六合屏風兩合扉外垂簾幙內垂幃東南日射不知道行雨乍
歸雲滿衣

謁漿曾到此人家種玉無田事已差身似多情秋蛺蝶不曾飛
上別株花

巫山亦有晴天日神女終無夢斷時靈雨靈雲當面起行人行
過楚王祠

更深夙定夜冥上欲醉將眠戶已扃忽憶闌干花不動又持紅
燭繞廊行

六曲屏風畫竹枝湘江風雨夜離披三更酒醒推開看一院月

明如晝時

西陵樹下風吹雨
油壁青驄一例回
結得同心依舊散
教人今後若為來

微生

葉底青虫葉上霜
微生到此最堪傷
願將厚地高天力
令汝千秋萬歲長

甲申秋興四章

上天不合無雲雨
下土那可有甲兵
老巫燒香仰頭坐
壯士錦衣繞舍行

始信大海無宮殿却怪平野有橋梁連稈帶稻盡入竈擊鼓吹
笛還暴狂

即看米船塞江去將謂捷書連夜來昨日轅門大封拜攬臂唱
歌登將臺

燕子燕子汝竟去莫擬春至還來歸雕梁繡戶都在眼微命未
知何處飛

上元詞

擬唐崔液
○二章

三元天上轉鴻鈞七字欄前奏聖人鵝鵲當樓燈市正鴛鴦放
隊看行春

寶馬王孫墜綠鞭
璇閨艷妾露春妍
尋雲尋雨燈為証
何處光中不可憐

此非道人語既滿目如此生理偏側畧開綺語以樂情抱昔
陶潛自言時製文章自娛頗示其志身此詞豈非先神廟末
年即處士不幸丁晉宋之間身亦適遭變革欲哭不敢詩即
何罪不能寄他人將獨與同志者一見也

題畫

身名王母淨無瑕
性愛春庭慘不諱
暫歛雲旗下
清畫豈關貪
喫碧桃花

村婦艷

西施盡住黃金屋
泥壁蓬窓獨剩儂
寄語梁間雙燕子
天涯可有好房櫳

桃源

桃花如錦水如藍
行盡桃花到水南
洞裡仙人問秦漢
忽然記得罩魚籃

閩子牛叟遊鄧尉有懷故園梅花因送之歸學山二章

不看梅花看白雪
學山橫被大江分
提提一帶歸飛翼
滿背殘陽愁殺君

山下春流汎七深送君一片古人心自從李白聞歌後不見汪倫直到今

同姚山期閩牛叟百詩喬梓滯雨虎邱甚久廿三日既成別集忽張虞山卸曙戒李貞諸子連翩續至命酒重上卧石軒快飲達旦絕句記之七章

珍重千聲始下樓蒼茫一點又來舟諸天天眼微微笑昏黑重須到上頭

何處牆頭不見來誰人袖裡放教回大呼秉燭忙迎看白面青眉天下才

君辭白髮附青雲
住酒停歌預囑君
南海至今還隔淚
此言莫遣北堂聞
嶠為虞

亦知鄭重人中寶
只為流傳海外文
一語七君七欲笑
不教君

去不生君戒為曙

不惜低聲諷惠連
送過千里已應還
放他今夜天涯夢
七作池

塘第一篇為季貞

歌長燭短客如泥
遮莫隣雞四面啼
一滴不勝重拍滿
明朝各不解東西

楊柳今朝北去船
杏花明日仲春天
承君問我歸何事
白晝關

牕只是眠

板橋

板橋斷後不勝春
蒲荒柳禿水鱗上
依稀一片昔時月
來照鴛鴦亦照人

送僧

桃花半減柳花增
春去僧房又送僧
漫說牛頭詩句好
少陵曾未到金陵

白晝

花鬚柳眼撩無賴
露索風絲理不成
白晝卧來慵似醉
一牕語

燕拂茶鐙

夜夢到西施故村口吟一首

滿水朝侵淺岸泥
鄉人誇我浣紗溪
西施絕色在何處
少立春風日又西

戲作留贈女冠

碧桃花下紫輪中
徹夜吹笙接上真
得見安妃與王母
不妨都是女兒身

蘇臺懷古

響屐無聲手自提
平明秉暗下蘇堤
伯勞不道西施去
還向鞋

臺盡力啼

荷花

賣却茅庵買小船
荷花十面枕
五前五更月
隨露如雨
臯觀上
通他化天

病中無端極思成都憶得舊作錄出自吟

卜肆垂簾新雨霽
酒壚眠客亂花飛
餘生得到成都去
肯為妻兒一洒衣

柳

陶令門前白酒瓢
亞夫營裡血腥刀
春風不管人間事
一例千

條與萬條

丁酉深秋重觀雪塘法師遺筆

雪塘已歸雪山久同學尚藏雪下花蘇晉齋中無米汁臨風澆
得一杯茶

題畫

憶與在翁法師相知遂二十餘年矣老去無歡題此畫見意也

幾家娘子睡黃昏百處郎君醉打門被底不知明月好三更三
點似金盃

贈馮鳴節

花推丹桂無雙樹月選中秋第一圓最是人間好時節與君同

坐佛堂前

蘇臺夏詞

吳王宮殿水中央
風動荷花四面香
怪道夜分眠不得
西施枕簟冷如霜

春雨

仲春暮雨寒尤甚
媚寢香爐煖不知
夢覺酒醒偷眼望
杏花一樹盡成泥

夜宿月氏堂

頭毛稀少燈親見
心事離迷酒不知
一枕兩行千點淚
三通雞

叫五更時

糟笋

聖嘆清貧悞籜龍自無熊掌及駝峯却教三寸凌雲節學得沉
冥伴酒鍾

割肉餉老妻

舍南舍北侏儒死年尾年頭德曜齋正指數珠驚指動藁砧拔
劍早歸來

春宵

莫怪春宵苦怨嗟春宵可奈客驕奢萬條銀燭千條盡只照金

樽不照花

滿眼

滿眼桃花接杏花
酒家樓上即倡家
酒錢不比花錢急
君但眠花酒但賒

思山

萬山深處有茅庵
一曲清風繞舍南
自愧不能麻麥飯
聖經千卷未開函

月夜獨坐

水晶宮殿寂無人
古寺疎窻月一輪
獨鶴林中偏自去
亂螢塢

外故來頻

憲前古梅

高士推牕對古梅
冰人鐵幹共徘徊
凡花總欲爭春去
疎蕊偏能忍凍開

從韋二明府實處覓綿竹三數叢

杜擬

可惜舍前江水清
只爭舍後竹成林
革軒得省幸早寄
莫誤明年春笋生

咏桐

紫鳳西飛竟不歸
冰根雪幹欲何依
不如斷作雷家樣
一曲廣

陵天下稀

上元詞之一

擬唐崔液。沉吟樓逸詩。

四海光明萬歲輪
六街簫管太平人

家上酒天子恭

惟日日新

贈僧

沉吟樓逸詩

高僧年老渾如畫
記得曾經看一齋
今日道場觀水陸
貫休羅漢第三尊

癸未秋興

五章。逸詩。

三陣五陣秋雨行
一枝二枝草花晴
秋雨只來太無意
草花辨

葉不知名

蜜蜂胡蝶已懶惰
即看蒼蠅亦癡拳
汝虫何名不知止
徹夜哀叫惱人眠

蚊子秋來大如蜂
衣裳卽亢冠
影拳懸咬人人不計較
汝豈得數日還相逢

鷺鷥兩箇閒立水
鴻雁一行初寫天
鷺鷥鷺作書寄鴻雁
與汝離別動經年

木樨花開一院香
無物玩賞只思量
昨日菱芡已沉黑
來月橘柚未全黃

甲申秋興之二 逸詩

蝦蛆先死大魚繼惟有螃蟹日彭亨先生破齋買蟹喫怪他着
甲能橫行

今冬無米又無菜何不作官食肉糜隣舍紛匕受甲去獨自餓
死欲底為

題畫梅

老僧齒落不能語小鳥凍僵未可飛便與此花相守去三更月
影又霏微

艷辭 逸詩

玉鈎紅綬約腰身
綬縮鈎連妬殺人
萬物有情能宛轉
可憐自
小並無親

訪周栗仲不遇之二逸詩

天上亦須雲有路
人間何至徑無媒
便判入海龍王處
此影明珠搜出來

若見僧時都問到
縱無人處亦尋過
支公說與許都講
昨夜世尊入滅那

十六日三弟岸先手札并詩率答二絕逸詩

貧僧永與舍親違
年老身孤心事微
昨夜上寒上殺後
蜜蜂胡

蝶滿堂飛

髯珣超羣又絕倫大哥三弟更奇人人家只道我家富這樣貧
來未是貧

懷盛柯亭逸詩

四隣祀祖邀皆去一尺縫衣買不能慚媿蘭溪遺愛廟寬柴寬
米守門僧

題聖默法師畫梅逸詩

法師佛法無多子初是阿兮後是茶一片婆心藏不得逢人便
與畫梅花

題文彥可畫陶淵明撫孤松圖逸詩

先生已去蓮花國遺墨今留大德房
高節清風如在眼何須虎賁似中郎

為蘄山題菊花

三章。逸詩。

孤松底下青籬竹五柳邊頭白板門
一箇先生方醉卧四圍黃菊並無言

木落霜高天地哀陶家偏報有花開
老僧結習從來盡便約維摩去看來

道是黃花全不是問之却道是黃花
蘄山大士如泥睡正是雲門

門第一家

題大士像逸詩

通夜檀香接手焚
香煙微感普門君
上天三十六麟子
挽取當中第一員

題邵僧彌畫逸詩

我有剡溪藤一幅
無人重寫妙蓮花
嘆息山疇去何處
西風吹渡夕陽斜

過慧慶西林聖月兄出宣遠瓶中禰花圖吟此逸詩

新結禪龕似小船
素瓊花供佛龕前
夜深香發僧無寐
疑是定

回他化天

蜀山喜食鴉戲為絕句嘲之逆詩

道士縣中籠罄盡校書官上帶無窮爛蒸狗項如壺喫千本黃
庭在腹中

冬夜讀徐懸瀑詩逸詩

白雲英英與天曉童子凍僵不知道何處獨鶴叫一聲此外更
無一啼鳥

上巳日天暢晴甚覺蘭亭天朗氣清句為右軍入化之筆

昭明忽然出手豈謂年亡有印板上已耶詩以紀之逸詩
二章

三春却是暮秋天
逸少臨文寫現前
上已若還如印板
至今何不永和年

逸少臨文總是愁
暮春寫得似清秋
少年太子無傷感
却把竒文一筆勾

病中見諸女玩月便呼推牕一望有懷貫華逸詩

當時五鼓月明中
孰省繁霜與北風
今夜一庭如積水
關憲塞戶兩哀翁

牛叟閻子遊元墓有懷故園梅花因送之歸學山之六
江南萬戶垂纒發江北孤舟得上來
花感至誠開十日不然不

到此時開

一枝一朵尋常見如海如雲薦地逢寄語文殊普賢道梅花二
十四圓通

東哲補亡真拙筆華光畫影便留痕名士名花如印印由來妙
語有何言

三更驚問今何夕千里歸來某在斯不為終身孺子慕誰教帶
水又衝泥

風雨無邊夜到家學山巖樹正開花出門千里歸千里此事原
來不得差

不是春風已九如
關門對雨注殘書
美人若不寡
惟喚直到他
生疎更疎

同姚山期滯雨虎丘八首之一逸詩

不因風雨滯連朝
豈有星辰聚此宵
方悟毛詩真妙筆
篇上風雨說蕭上

中秋夜戲贈女道士逸詩

手採蓮花浸滿盃
夜涼月下供中元
道心却被塵心動
誦至玄牝衆妙門

微疴得起恰值首春
乃聞同袍四五高會
南城不蒙見容

悵然離羣日之夕矣猶徙倚巷遙念主人朗吟請呼心
歡之句其樂未央戲作二絕怨之

送窮已是昌黎節病起生憎摩詰身未必巷中無飲酒想應天
下不成春

晚年亦欲持遮戒高會何嫌棄故人鹵莽艱難非好語少陵無
賴故銀匕

春日坐西林別院有以畫鶴索題書此自笑逸詩

老去看匕非越石窮來漸匕逼柴桑意忘連夜多風雨只望深
秋足稻粱

效李義山絕句

逸詩
八章

綠瓦無煙寒食雨青簾有信落花風
謾誇節序年年好自古如今日日同

楊柳自從橋畔樹鴛鴦不復鏡中禽
入春雨雪即多事逐夜燈檠妻有心

柳葉年上生舊樹楊花處上作浮萍
誰家浪子能思婦何地春風不病人

黎園子弟百無憂入殿穿宮上翠樓
要見上皇求看遍却逢妃子看梳頭

春衣四葉妃傳樣
驕馬三花御剪鬃
但用淫思兼古意
定哀真與隱桓通

白日當天三月半
遠山新寡一年多
相如又是真消渴
便解琴心奈若何

一夏隨僧餐白粥
忽逢租戶餉蜉蝣
小妻私酒又新熟
白佛開齋過好秋

湖邊吹笛對湖天
湖下白衣搖小船
眼看白衣搖去遠
關門脫脚上牀眠

今春逸詩

今春刻意學龐公
齋日端居小閣中
為汲清泉淘盃器
怡逢小鳥喫青虫

作詩逸詩

作詩句句維摩詰
中酒朝上孟子醇
梓去硯臺支榻脚
多栽葛布製疎巾

閨怨逸詩

湖洲鏡子淨於天
照病臨愁十四年
銅亦命中無福廡
不教一遍得鮮妍

憑韋少府班松樹子栽

借杜逸詩

院花朝盛晚間衰那得風霜不打枝
數寸問君能覓得龍鱗
尺在他時

病中寄懷解師逸詩

門前不動雪三日窓裡時間鐘
一聲應是高僧禪定苦衲衣私
起暫經行

哭劉伯玉逸詩

去歲西方止觀經妻兒待米不曾聽
今春古寺重開講無復杖
藜聲到庭

寒夜逸詩

寒夜寒更三點三
淨名讀書閉經筵
啞童子睡沉香息
觀佛深
深髮漆龕

春睡逸詩

仲春上睡太無端
晝暖無多上晚寒
何處池塘輕綠裡
鴛鴦對對未經看

贈閔康之逸詩

閒坐西林日已斜
又聞春鳥叫桃花
自從聽得抽心偈
一望平蕪不見家

絕命詞

逸詩。以下三首皆
先生臨難時作也

鼠肝虫臂久蕭疎只惜胸前幾本書
雖喜唐詩畧分解莊騷馬
杜待何如

與兒子雍

吾兒雍不惟世間真正讀書種子亦是世間本色學道人也

與汝為親妙在疎如形隨影只於書
今朝疎到無疎地無着天
親果宴如

臨別又口號遍謝彌天大人謬知我者

東西南北海天疎萬里來尋聖
歎書聖歎只留書種在
兒子累
君青眼看何如

沉吟樓詩選

吳趨金人瑞聖嘆著

廣陽劉獻廷繼莊選

七言律

送朱子莊赴任宜春

定擬凌雲備上方却教列宿試為郎
晨朝著烏因辭帝秋日鳴琴不下堂
從此果能為父母彼中先已誦文章
自慚無楫猶蓬葉不及清樽渡浙江

送李寶弓司理

欽名考選四律

丹鳳初間出 帝廷花驄先已辟行人六年冬日為慈父兩袖
清風作客星 天子固應求執法諸生那可罷談經感恩欲向
登聞借多恐時危急大屏

為政雲間成六載得書天上入三台神羊不獨乘驄馬烏府懸
知接鳳臺 主澤遠從漳水合相材新向朔方開中原近日間
多事快看樓船下瀨來

多年屏扆題名姓此日夔龍入法筵手結皂囊將有告自聽金
鑰不能眠久知北斗天喉舌真信嚴霜 帝勅宣但得 聖人
憐水國為言牲璧徧山川

三年師弟龍門合一旦
君王廡府開流水正彈鍾子調秋風
忽作美人懷江南從此無山斗渭北何當遇酒杯
密雨疎燈時在夢
鯽魚那得一雙來

送徐爾贊赴京補選

傳道舊臣新捧檄因聞孝子欲驅車
風寧樹靜還朝日花午棠陰感德餘
家學不忘資父久此身今許事君初
遙知無訟堂前宴手澤淋漓夜讀書

吳邑黃明府新婚

琴堂政畢吏人稀
此夜三星入紫微
正是全吳皆有母
非關君

子獨求妃闔閭自古花為縣首令於今香滿衣會看九天雙
下金鳳銀鳳一齊飛

贈舒伯順

千橘江陵彼一時比來謀道夜無縻寂寥心事人誰識太古風
流我亦師白髮不臨飲酒社青燈還在說經期愛君便欲同君
住借問相知幾人隨

代友責姬人之作

陳王春思屬甄姬楚子秋魂入雨祠不道峯青終曲後竟虛燭
滅送賓時美人私奔清虛殿使者空牽織女絲一室參商遊如

此別離何必在天涯

乙酉又病一首

西風不肯饒寒屋舊病公然瘡賤軀親友幾人兵甲後哀憐到
我候書俱君臣辛苦無方藥奴豎荒唐薦老巫如此紛紛欲圖
好懸知不死只須喫

寄總持法師

法師持法上江船法去南中遂半年妙辨我知奇若此梵客人
恐瘦於前刀兵自不侵禪定辛苦其如集聖賢兩浙騷然報一
盞雙輪何以答諸天

道樹遣人送醬醋各一器

籬豆畦蔬一例遲
瓶空壘倒四隣知
正留僧飯水淘盃
驚得公書唾滿頤
饒子背人先染指
老妻報我只攢眉
無鹽三月東坡
急汲水求薪
開晚炊

般若解脫二法師來住數日竟失晤

無着天親雙造論
水邊竹下數行來
老夫往役官呼去
小閣無人客自開
所欲折衷何聖諦
竟無一語補高才
剡溪興盡迴船
好可信餘生得幾回

雲在法師西山讀莊子

蓮子峯高竺塢低石幢沙岸到幽棲
僧夜靜聞秋水侵早開
窻見馬蹄外道千年無註疏
內篇三字作標題法師試作金經
讀定嘆東人未讓西

和關使君署桂冬花之作

只道梅花又早開
却看桂子綴珠胎
小山學士忍寒坐
金粟先生赴臘來
靈隱五言雖絕唱
肩吾短賦亦清才
未聞冰雪驚人句
茲日重吟我欲猜

前題并贈次公

月姊寒宮寒更開
連珠的的孕先胎
玉人記得新移種
金粟真

勞親送來逐與梅花通妙氣定于白雪洗清才小山叢樹徵如此大國名山豈用猜

周順蘆先生生日

成連海水最移情弘景山居亦有榮四壁衆山同夜響千光萬彩化雲英曾於精舍逢玄度間道今年降老彭消夏暑容來共坐涼風清簞學吹笙

休問

休問園林近若何柳期花事已全過胡蜂取盡青虫子昏鼠明穿社燕窠豈有薰風來戶牖更無閑地坐笙歌作書何計通天

上自別青皇臨淚多

聞德輔病却寄一律時予亦小疾在卧

夜來我亦暗風吹書到方知爾更羸定以能詩成渴疾無忘禮
佛是醫師文殊未問莫煩惱天女欲來宜且辭身病更能憐病
客空房慘泊幸支持

丁亥仲冬過松陵訪來止

萬古陶邊家士家門庭耿介絕喧譁海鷗容玩有時下老樹禁
春也復花震澤天風無瑣細水田阡陌聽橫斜我來歲暮衣裳
薄四顧同人生怨嗟

贈萍洲師

石湖湖上南朝寺萬綠叢中兩闔扉
裴迪王維應過汝生公支
道爾為誰當門寶鑑懸秋水右側蒼龍接野堤
我欲乘閒來問道萍洲惟說到人稀

題涓明撫孤松圖

后土栽培存此樹上天謫隨有斯人不曾誤
受秦封號且喜終為晉逸民三迳歲寒唯有雪
六年眼淚未逢春愛君我欲同君住一樣疎狂
兩箇身

徐慶公生日

城中豈有甲申年歎絕先生獨斷然天上歲星真妙士山中宰相是神仙二方兄弟予同學兩海文章世異傳便欲執經來就正青芝紫氣若函關

題申蕊文像

不求成佛與生天詩卷茶銚洞下禪長夏南華新有註中秋水觀久無邊東坡悞入夢中井工部偶行天上船借問先生誰勝負牡丹陸亘老南泉

戊子春積雨如晦久不晤草座先生天南晴便忽睹書此為樂也

城中泥雨盛冠蓋野外日高未巾車不因懷中字漫減實於彼
吳人躊躇高秋爽氣此為暎下堦入門能相如餐滷菜飯聽我
說哀哉千年已絕書

念舍弟

記得同君八歲時一雙童子好威儀
拈書弄筆三時懶撲蝶尋
虫百事宜一自耶孃為異物至今兄弟並差池
前朝畧續遊仙
夢此後相思知不知

雲法師生日和韵一首

堦前種樹已成林鏡裡飛霜了未侵
昨歲無非焉寡過今春學

易得安心石牀夏冷花停雨金磬晨嚴梵正深三萬三千師子
座十方仁壽一時臨

後訪

夜來被酒竟歸卧曉起軸簾殊悄然暎堦碧草此何地遍處白
露成秋天回頭顧瞻見我僕恣心思量惟汝賢杖藜如能復到
此尊榻未移仍在前

王子文生日

人在山中無歷日客從海上得籌星未須靈壽承榮賜正學參
差引上真曾點行春春服好陶潛飲酒酒人親沉冥便是莊源

裡何用信信更問津

無題五首

聞道芳齡恰一些學梳新髻果天斜胸無寶祿初如菽額有燕
檀正及瓜秋竹何人能積雪綵鴛同汝卧晴沙簡文出入燒香
願除却陽臺我慣家目成

油壁香車久到門為人遷次此黃昏平增謙謹防生事私破金
錢為立思欲趁好時真遂去謬為大雅故猶存由來不信如天
帝今日方知果至尊請假

龍鳳搔頭最麗華葡萄繡領極驕奢自矜年小拜人淺預體郎

心注目斜三五在東誰不好一雙還內竟無諱芙蓉今夜連根
草芍藥明朝相誇花

三郎秉醉欲闌扉滿願殘燈未解衣君自好賢宜易色妾非之
子亦于歸可憐桃葉姻緣淺自顧桐花羽翼微不惜要盟過夜
半女兒珍重是雙飛要盟

一雙年小兩無憂四角同心百合祠蔣妹橋梁天與壻相如消
渴自云瘳鴛鴦淫思多於睡蝴蝶花狂卒未休慎勿春眠恒着
曉上房間道已梳頭代憂

塞北今朝

塞北今朝下教場，孤兒百萬出長楊。
三通金鼓搖城脚，一色鐵衣沉日光。
壯士并心同日死，名王捲席一時藏。
江南士女却無賴，正對落花春晝長。

贈李興符二首

與君竹馬記當時，流水年來鬢共絲。
兒子可無書萬卷，封公合種稻千株。
春明不夢遵初服，彌勒同龕結後期。
浩蕩春風來萬里，開軒解帶任從吹。

陶令門前新柳樹，林逋屋後舊梅花。
社中許我私開酒，洛下邀人鬪喫茶。
高閣卷簾風未定，西隣打鼓日初斜。
與君偷眼不須

說一例虫天總不差

吳明府生日

吳王洲上燕啣泥
西子溪頭浪拍堤
朝雨萬家催種急
春園百處賣桑齊
琴堂人散香爐見
書院花深晝漏低
不信澹臺猶不
至一時桃李已成蹊

咏松

青桐黑石透深泉
鳳翅龍鱗到碧天后
土生時無萬物秦皇封
後有千年聖朝堂殿
須喬木陸海風濤
仗大船顧盼一朝
逢匠石
蟄龍肯向此中眠

真僧

真僧得道焚香坐古佛無言與殿閑
磬水出山花落去石臺當
午鳥飛還自嫌婚嫁身無暇不覺冬春
鬢盡斑他日淵明息心
後遠公可肯為開關

贈楊公路郊居

翩上將母赴郊居地滿香杭市滿魚
先探石橋通蠟屐次營
塏貯藏書山中課夜無街鼓湖上行
春有板輿好護萱花好顏
色教看玉樹對扶蘇

暮春早坐小女折花勸簪謝之

左家嬌女惜餘春，刺碧殘紅采折新。
數朶輕身趙皇后，一枝善病李夫人。
老夫早起雖乘興，白髮斜簪已不倫。
珍重他年臨此日，見爺滿腹是車輪。

吳明府生日

福星南面坐琴堂，西極東連海上光。
葉縣吏人朝候鳥，荀家侍女畫焚香。
苜蓿夜雨平郊垌，桃李春風動學塲。
十萬戶齊登壽域，壺天豈獨一人長。

贈夏廣文

潦倒諸生久白頭，十年夢斷至公樓。
杏花廊下重來坐，藥草籠

中實見叔弟子歌思環震澤勞臣碑記在長洲聖朝日月如清
鏡下考終居第一籌

元日懷西音

同學分飛淚滿巾那堪白首又青春柳條弄色底天意梅葉發
枝尤不倫鄭巷難忘飲酒叔瀉山終為立錐人何當暫出池塘
夢來視歲寒還在身

人日孫鶴携酒過看予新選唐人律詩率其二子來予二
壻亦適至

亭下垂憐白未玄床頭割愛聖兼賢五星怡聚黃昏後三雅橫

飛紅燭前范叔一寒方至此陶公冥報正茫然抱琴明日君來
否爛醉如今我欲眠

彈琴

一陽淡蕩雁初歸萬木澄陰手欲揮人在高山招未下坐臨流
水事多違心知別鶴飛遼海不見游魚仰釣磯彈罷淚珠流不
住至今滴作十三徽

人日懷總持法師

精舍誠非學士家間雲本又愛天涯經行殿上見明月分衛村
村穿落花都講云亡經未了齋鐘總動日先斜入春上又如流

水人日懷人起怨嗟

迎春日還西林般公

匝地春風又盡歸三年別客只相違
饗殮何計能長飽砧杵無家誰與衣
老病父兄雖盡在暄淒樹色已全稀
講堂學盡無生學終有生涯知是非

立春日又懷般公

江水流春夜到吳天明極望盡平蕪
鮮新白日諸天淨淡蕩春陽一雁孤
獨客不歸千里外三年欲得一書無
江春并日還流去聽罷啼鶻聽鷓鴣

聞聖壽寺遭驕兵所躪

精舍傳聞駐虎貔僧從定起失威儀
刹竿繫馬風旛落齋磬無聲鳥雀飢
等觀未嫌羅刹醜清規可奈梵天悲
遠公跣倒蓮花漏深入廬山是此時

侵早

侵早誰言秋色未乍驚不信又登臺
夕陽雙去鳥欲盡細路獨行人可哀
直北故人無一字中宵自起看三台
碧波可怪漁舟白白髮分明王佐才

贈趙居士

慧遠西林亦有廬維摩投老借來居一庭佛日晒丸藥百八草
珠持梵書偶以好風分竹日正逢時雨挿秧初與君共此茶瓜
會便是金經誦六如

天雨法師生日

寒山鐘裡學安禪彈指春風四十年一夜寶華天際雨兩行道
樹雨餘天匡廬舊制蓮花漏鄂渚新傳蝦菜船解脫毘尼總無
異問師何路覓金仙

夢游虎邱

晝游虎阜先無比夢入林巒却更奇花路逶迤能罨鶻松聲窗

渺最遲疑千人石上同誰坐雙劍池邊是舊時不是曉鐘來
枕畔至今還在講堂隈

殿下雙松

三間宏敞松間殿一對離奇殿下松各有寒枝春寂上大家古
幹翠重上隔垣夜靜聽鳴鳳清晝窓開看老龍百遍相過猶不
足愛君夫矯共經冬

除夜有感

除夜去年愁裏過今年除夜病中來艱難世事皆如此金鐵身
軀能幾回爆竹何辜催漏盡春風無賴逼梅開此時此景應珍

重明日明年不用猜

懷山居

緇流自古在山中試看支公與遠公孤鶴片雲霄漢迥蓮花漏水歲時同荆扉竹戶常年閉石岸天池有徑通今日病驅慚未
隱苦無藥物伴松風

苦客投詩

關門對雨坐焚香到地垂簾孟夏長庭草春深迷石井客詩投
滿沒繩床老夫汎愛仍依舊心力衰微却異常若問藥山遮眼
法生平唯服浣花堂

驟寒有感

一夜冰霜徧水濱，幾枝松柏自為隣。
誰能不念無衣客，我獨先成多病身。
他國迢遙惟有夢，故鄉酬對更無親。
辱承四壁相圍繞，瘦骨寒燈洒淚頻。

失題

朱門蓬戶搃山林，行履隨人自淺深。
三處文殊能度夏，少林慧可得安心。
清風松多奇響，流水桃源誰賞音。
只有滿蹊塵外客，由來冰雪是胸襟。

春感八首 有序

順治庚子正月邵子簡雪從都門歸口述

皇上見其批才子書諭詞臣此是古文高手莫以時文眼看他
等語家兄長文具為某道某感而淚下因北向叩首敬賦
絳縣塗泥不記春江南梅柳漫驚新忽承帝里來知己傳道臣
名達聖人合殿近臣間最切九天溫語朗如神昌黎好手夫何
敢蘇軾竒逢始信真

半夜虛傳見賈生同時誰會見長卿卧龍只合躬耕死老驥何
由仰櫪鳴歲晚鬢毛渾短盡春朝志氣忽崢嶸何人憲下無佳
作幾個曾經御筆評

三十年中蠟燭催桂花開又杏花開至公堂下雙行淚千佛燈
前一寸灰短上青蓑連夜織蕭上白髮滿頭來水雲深處釣魚
去誰識磻溪王佐才

一江春水好行船二月春風便到天盡捲殘書付兒子滿沽清
酒酌長年羊生科目沉山外今日長安指日邊借問隨班何處
立香爐北上是鞦韆

東方對仗訴臣飢便是三冬學總非實有五絲來補袞敢將八
口仰垂衣雲霞開曙趨龍闕筆墨承恩近鳳幃干祿舊曾聞聖
訓進身早已畏天威

不願雙牙鼓角喧并辭百里簿書繁
點朱點墨官供筆論月論
年勅閉門萬卷秘書攤
祿閣一朝大事屬文園
勒成蓋代無雙
業首誦當今有道恩

張得朱絲久不彈
鍾期更比伯牙難
何人立悟空山雪似汝芳
香竟體蘭千里歸來塵未洗
一天歡喜淚無端
眼看梅蘂添春色
心識松枝保歲寒
為印子蘭雪

維縉冬春學佛期
瞻由風雨對床時
何曾袖裡無玄草
所至堂中有白樵
欲去非為藏鳳德
適來豈是闍蛾眉
平生性不求聞
達除却家兄說
向誰為家兄長文

辛丑春感

入春七望轉蕭條
龍臥春寒不自聊
正怨靈修能浩蕩
忽傳虞舜撤簫韶
凌雲更望何人讀
封禪無如連夜燒
白髮滿頭吾甚矣
還餘幾日作漁樵

人日大明宮宣賜綵綵人勝應制

擬唐常
立

宜春宮殿及春開
福壽星辰獻壽來
七葉靈蓂依月展
萬年仙勝照人裁
融冰未暖魚行溢
化日能遲鳥弄終
格物修身真有道
普天何地不登臺

寄常徵君擬杜

六月風林好，葛巾徵君思。熱去垂紳野，晷眠岸夢何。事老樹著
花，思媚人深。恐事煩還服，食更愁。恭謁露天真，稽康敢向山公
說。我欲時止一欠伸。

愁擬杜

江水流春不當春，江花江草故愁人。開頭振舵汝何往，擊鼓鳴
鐃皆不倫。巫峽啼猿真迸血，楚天朝雨最通神。老夫欲寄精誠
去，憑仗高風達紫宸。

燕子來舟中作擬杜

無官只合置天涯，偏有尋人燕子斜。舊歲未曾為地主，今春真

累過寒家村，社鼓邀分肉。岸上朱輪赴看花，諒汝從來飛不
慣。灘邊篷底寂無譁。

效李商隱詩三章

碧海東頭東更東，紅樓綠樹曉矍矍。仙人不下歲，
凝彩鳳單棲窈窕。宮曹托微波，犀角頂未承。淡墨鯉魚中，
巫山亦有為雲雨。人到高唐便得逢。

靈蹇秋來不可逢，芙蓉昨夜斷金風。暗心識盡房中苦，
墜粉平銷臉上紅。烏鵲何年河左右，戲魚終日葉西東。
兩心一夜千重轉，決絕徘徊總未通。

密雨連江舜廟秋
靈風開幔舜妃愁
莓苔巧補華虫缺
蛛網陵夷玉燕頭
是日孤舟依斷岸
前林玉笛發高樓
不緣沽酒長年去
那可停橈頃刻留

昨夜夢看德輔庭中野樹記之

沉吟樓逸詩

庭中野樹君言好
夢裡來看吾又奇
豈是眼花安戶壁
不知枝葉是伊誰
秋風搖落此安隱
白日照臨無轉移
起來拍枕坐長嘆
何處美人曾別離

元日代若蘭寄贈失庵

沉吟樓逸詩

寤前取次試新粧
推得即醒自拜即
檐影盡成年裡色
梅花不

是夜來香憐余已向空中老笑爾徒於分外忙獨有先生名聖
嘆滿城風雨近重陽

送吳茲受赴任永州司理 沉唵樓逸詩

我欲治經今日始君行折獄幾年平不勞添品定知吉大畏無
情方始榮出處規模真越絕弟兄意思各崢嶸臨行執手各珍
重豈為悠々離別情

辛巳大飢無動惠米誌謝逸詩

先生高策不堪論亭午清齋水一盆彭澤妻孥相對餓鷲山王
伴自稱尊叩門無故聞兒笑洗釜當知說爾思羊角叔牙成市

道此心容易向人言

登壇一首戲示同學逆詩

登壇又得維摩詰借宿空勞李藥師佛說上天真有帝僧知下
雨定無疑咒龍一夜仍虛鉢望畢十年乃見箕借問金輪誰譯
得聖人垂絕使人悲

於教院屏風得讀慧開兄詩喜而有作逆詩

二年眯目失瀟臺今夜知君未易才詩格既能驅杜甫文心端
可學天台倘捐白日依人住願入青山結社來我有數人曾見
否秋風約汝共徘徊

送李寶弓司理內召 二章逸詩

七年一鷲坐雲間
此日雙鳧到帝前
本是玉堂能賦客
終為金署讀書仙
泖湖便借風雲勢
漳水新看日月懸
劉葛君臣真慶快
叔孫弟子望傳宣

姑蘇城上有高樓
上下胥江水漫流
公代勇冠來按事
我從鷁首得陪遊
心於夫子初誠服
名動君王已詔求
瀝酒贈行兼作券
定書師傅貯金甌

擬唐王季友鸚鵡洲詩 逸并序。

好雨著時未甯感
何美政魯宣十六年
春秋時書大有程

代斷云災異聖人之筆吾又烏能知之且圖一卷苗二作涼
有斯二益便須歡喜耳因與道樹閉門弄筆改此

才子為能鸚鵡賦上成身死葬江洲古今讀賦傷才子鸚鵡名
洲誌莫愁夾岸桃花應不發同心蘭葉那禁羞江長日落征帆
急又有無邊賦上頭

贈許升年逸詩

舍南舍北吳淞水年尾年頭天竺書身值義熙無號後人當歡
喜發心初蓮花滴漏聲上切木櫨為珠粒上疎使有桃源最深
處那知秦漢事何如

頌間琴先生

四壁衆山通夜響
廣陵孤客不勝悲
西風古寺梵香動
天半懸崖瀑布垂
念子生平明歷仁
於今一世冷離仁
便持此境作佳號
誰取頭陀起舞時

賀吳縣汪明府涵夫攝篆長洲逸詩

鳴鶴於陰子和之
魴魚孔邇父無私
昔襦今袴非遲暮
越陌度阡真等慈
杼軸東方無大小
榛苓西望足歌思
從今禴祭同承福
南北薰膏萬壽期

翼明大士看梅不赴詩以思之逸詩

我有當時同業士，眼如秋水浸鷗鷺。
近因學道生春病，欲向經筵問藥師。
人在鏡中原，浪身於花下。最躊躇，法輪過，羊猶相失。碧海青天，思不思。

周茂蘆生日

濂溪風月舊無邊，今日心知子又賢。
鸞鳥聲中聽寡過，杏花壇上驗知天。
冰霜十月當年事，桃李千春世外妍。
願與先生同載酒，浩歌直下五湖烟。

看梅思知止先生逸詩

臘月梅花生事微，威儀全與世情違。
高僧忍凍還來看，蝴蝶遊

魂不向飛繞屋欲栽三十樹落英留作十三徽持將彈遍千年
調那管人間識曲稀

贈周直夫逸詩

山中宰相無朝請天上仙人學隱壺通夜月明鈔本序滿盆泉
水識芝園遠公實許蓮花社水鑑仍題君子儒肇錫佳名真不
易無私言直美言夫

讀休老近稿賦贈逸詩

吳地風流近賦詩天才俊逸讓吾師一生慣作驚人句七步吟
成絕妙詞子美篇上豈易解淵明妙思最難知不圖尚有高山

調五賞清風明月時

壽詩二章逸詩

天上歲星呼曼倩
人間酒戶說青蓮
莫疑曼倩金門隱
直學青蓮市上眠
莊載漢陰辭子貢
佛言謝客讓陶潛
家姑私貯三千棹
供爾尚書六十年

久著我家賢宅相
重為姻黨太親家
憐予冉冉孤生竹
托爾綿綿五色瓜
月殿不逢丹桂樹
玉田重種碧桃花
從茲萬歲千秋春
去促坐相陪酌紫霞

對雪

同雲遙望思茫茫衣上花明是吉祥壓倒竹竿終勁直憐斯鳥
雀盡徬徨扁舟王子能乘興高卧袁安猶在床一片冰心願學
古病軀寒夜媿清光

丁篤卿生日二章逸詩

大谷名梨方妙日小山叢桂正深秋天街尚竹無雙士海屋誰
傳第一籌諸葛隆中關氣運長房壺裡學遨遊雙懸日月如無
恙肯置蒼生度外不

令子方今是大儒先生昔日我聞之端居小閣身兼母獨立庭
前父作師三世傳經成國寶一門孝弟得天知試思並受明王

福好爵聯翩下玉墀

立春日送二策入學逸詩

堯日春雲又一年江梅江柳浩無邊
暗鶯求友且出谷鳴鶴有聲須到天
筭鎖壺魚皆祖往身從臯比又前緣
三千輩裡三先輩萬箇錢中萬選錢

不寐逸詩

石城鐘鼓擊欲罷東院匡牀夢未成
通夜雨聲知點數四鄰雞唱聽縱橫
有時起坐一長嘆數看前牕不肯明
因羨鼓吹曲蓋士今宵竟已足平生

庚子秋感逸詩

已闌未闌長短更小
牕月昏還月明聽
梧似飄一二葉聞
雁何堪三兩聲亂世
黃泉應有路愁人
孤枕總無情起來
搔首忽長嘆一院
霜華太瘦生

秋雨甚田且壞逸詩

曾聞董子占繁露
積雨其民有大憂
幸入聖人新世界
如何潦水壞田疇
忸怩蚯蚓升堂陛
細碎魚蝦實澮溝
軍事正興都尉正
不知何計應徵求

題杭若棟小像逸詩

北胡南粵總無辭萬里千金一不知白髮今朝晞竹下青燈昨夜述當時盤餐問子餘兼味臯比聽經讀四書我與先生為勝友蓮花香裡願相依

贈季秋文逸詩

天上清秋懸白日人間草隱卧先生雲汀遠處鶴間立鐘鼓絕時泉有聲何日亭臺兼好樹此生蝦菜足香糗書同筆硯夜同被共我將書細上評

壽吳明府之一逸詩

讀書昔見古澹臺實愛高寒願學來文字因緣千里合冰霜

懷抱一時開門多接葉新桃樹身
籠舊藥材奕世通家宜

異禮呼兒重晉萬年杯

失題逸詩

飢驅陶令叩山門慧遠慈悲出酒樽
佛說花開非有相青天鶴
過並無痕說經夜上雞三唱圖夢朝上水一盆
笑殺昔人圖冥報
枉將絲線綉平原

贈青蓮法師逸詩

雙塔可憐懷海寺祖庭深草晚陽斜
不圖掩室逃名者欲奪中原最大車
策竹由來君子樹青蓮今是聖人花
莫愁坐久驅烏

日手選圓通第一家

楊花三首逸詩

楊花如雪遍天涯
隨水沾泥總不差
簾幙中間飛未穩
闌干兩畔落全斜
兒童捉搦輕無力
風月甄陶憐不諱
諭女高才雖見
借情知終是隔窻紗

楊花最是無規矩
簾幙中間亂入來
正欲掃除偏撲到
待將捉搦又飛開
美人密意深如海
秘院深更月滿臺
有信沉上通不
得此花歷上大奇哉

楊花境界最精微
孰謂專能點客衣
鏡裡或曾輕焰影
夢中

不見入來飛王孫作客遊
魂遠怨女凝粧心事非
寂上深閨真好景怪他
小鳥喚催歸

沉吟樓詩選

吳趨金人瑞聖嘆著

廣陽劉獻廷繼莊選

七言古

桃源行

武陵三月溪水平
漁舟曉如天上行
况復新晴搖百草
夾岸萬樹桃花明
漁人愛春坐搖艇
山轉林回乍冥
一片白雲飛不動
中間小洞清冷冷
搖舟望花轉又轉
多聞鳥聲漸聞犬
父老十數引兒童
笑迎生客相繼
綵問客此是何衣冠
秦王好封今

幾壇六國昨來垂欲滅何國尚存何國殘漁人鄙夫不讀史初
記遙遙赤帝子只今典午作聖人捉刀英雄久已矣畧聞此言皆
太息各隨豐儉具飲食燈火深房設酒漿瓦盆半夜盛芳稷阡
陌縱橫着處行田無一寸未曾耕老翁潭上閒牽犢新婦花邊
學弄笙詎有真經與靈藥松邊偶此常來鶴何曾天下可飛昇
無過世外堪畊鑿桃花水深七千尺由來不洗塵心客無官樂
郊不肯住有限家緣怪雲隔自謂沿溪轉七明到家或亦覺家
輕後來更有重來意此處落花此處鶯明朝凌晨果回槩依舊
桃花浩莽上左行右行不得路前溪通天爾馬往

下車行

君不見今年春風至今吹不休
百花合沓生長洲長洲水清照
城郭之外黃蓋亭上浮兒童不驚立道周
父老引領垂素髮傳呼婦女觀諸侯
五馬行上復止上切問小麥能全收
閭閻遺黎去四方東南豈是無良疇
虎冠飛擇遍諸縣縣上大杖股血流
上天陰雨摠閤日照騰黃滿牆頭
我從都門聞惡卧通夜憂小臣無廉隅
得非大臣羞請與父老約貽汝此
來年且得餽粥聊汝生靈雨一
至驅畊牛十年瘡痍果甦息
然後便宜無不求嗟呼下車第一
章仁君之言何寬柔照臨萬上
溝中人朗如晶

壺懸素秋兒童合掌婦女拜三年有成我能謳白太傅韋蘇州
千秋萬歲彤璽與傳

青谿行

鬢上楊柳碧如絲客舍蕭蕭春雨時剪燈夜讀青谿傳重作人
間腸斷詞青谿女子博陵氏艷若芙蓉依秋水慧業前身白玉
樓風塵今謫琵琶里中姊妹顏皆花可奈停輪滿妾家無心
芳草辭連理有意春風護破瓜墻頭馬上乍相視兩上春心不
自止人疑楚國舊王孫名滿倡樓稱蕩子蕩子風流不易論重
來崔護暗題門不堪一日如三月為訂佳期到上元上元燈火

連珠陌玉釵羅袖。今夕嬌繁半轉夢中身。斜睇三星是何夕。
銀漏沉。隔瑣窻。夜闌小語落春缸。明月芳年並三五。傾城名
士各無雙。春日如年日。復夜光陰消得千金價。金釵鈿盒露華
前。油壁青驄松柏下。可憐處。結同心。碧澗青天盟誓深。自幸
明珠猶未嫁。自憐情。臯遇知音豈意狼烟移大內。豈知羯鼓滿
闌闌。銅駝行見臥蒿萊。海燕安能棲玳瑁。烽火連天暗麗譙。叮
嚀別語轉魂銷。自來渡口迎桃葉。忍使章臺折柳條。實上江流
望何極。牽袂凝眸。但霑臆。別來花落與花開。從此江南望江北。
江北江南帶水間。誰知一別即千山。刀環破鏡無消息。大蠹長

槍日往還書生心怯百夫長日日臨流嘆漢廣未能一劍去縱
橫徒擁雙眉坐慨慷潢池初靖過長干西巷無人白日寒依稀
繡戶埋芳草唯見青谿漾碧湍犬吠烏啼深巷黑踟躕巷門歸
不得舊遊姊妹摠無存慕逢老嫗猶相識槌胸蹋地說青谿姬
實有心君負之一入侯門望欲斷十年杜牧來何遲蕩子低頭
淚盈背倉皇為說別來事渾疑遼海鶴初還真見天台人再至
當時猶作來世盟如今一笑隔三生柳條不見章臺色桃葉空
留古渡名老嫗殷勤通密邇字題桐葉傳淒楚定情舊繫一絲
絲新恨重埋雙繞指繞指君教痛玉簫綠絲望斷五湖遠身無

綵翼棲君屋閣有花箋落渭橋詰旦期君通政里馬似游龍車
似水牽帷兩淚上成鵲手語捫心上欲死襜車咫尺若宮牆覲
面分明轉渺茫車聲杳上歸高第人影寥上立夕陽僕本恨人
憐蕩子為咏青谿作詩史人問應有磨勒神海上豈無茅山使

孫鶴生曰試作長歌贈之

醉白先生古大臣醉白季子無與倫讀書十年不厭意提壺走
住東海濱自言有筆搖星辰奈何夭矯無能馴菁華緘然廊廟
器白眼不是功名人驅車直北興殊殘金臺於我空嶙峋王生
與之情最親家有二叔皆俊民瘡者金子鬚者申雞飛相及為

德隣四海兄弟在何處一巷來往無人嗔張燈高論果無鬼破
甕閤嗑如有神二豪侍側乃擾七四子講德徒信信是時吾兄
真絕異觥解淋漓百無忌五斗乃可調燥吻萬錢那供十日醉
天上應少釋盃人人間胡有獨醒事誰言此物可暫無爾我破
瓢即當棄西北浮雲停幾片東南颼風無一字只知濁醪養生
主豈顧蠟屐人間世竒哉中天有老胡相傳米汁以自娛風流
未墜今末法法眷果皆高陽徒眼前大雅誰則是作者如山言
大殊遺書既已不可讀吾黨云何忍須臾只今君年已四十矯
手持爾頷下鬚籬邊黃菊徒慘淡天下青蓮如有無數子心事

久在此旁人何勞數躊躇高樽妙酒緣徘徊共到君家把一盃
如來壽量亦易講共道君身有辨才

百草

百草欲借尚方劍仰扶浮雲尋日光百草在春亦思長爾雲何
為浩茫仁為我謂天善處分尊禮白日除浮雲柳舒花放民既
樂擊鼓吹笛天亦聞

酬高三十五適人日見寄

擬杜少陵

連年人日多春陰今年人日稍稱心便覺病體得蘇息行下草
堂窺樹林樹林微光去年好柳條梅蘂尤能早妻子殊方泥殺

人不然此時我醉倒是日東風滿許未心疑爾正行春回稚牛
殺羊酒無算吹角擊鼓喧如雷酒酣鼓止雙扶退四面如花卧
屏內縱使殷憂到兩京那望故人承一睽初八上弦初九晴十
三十五放燈明計程恰是人日發詩到草堂真可驚認印開緘
見名字走之刺眼光相媚其中感憤皆人倫至於清新且餘事
因思是日我正愁安得如爾十數傳東西南北有牖戶我欲共
爾先綢繆詩云今年不如願未必明年又能健天子虎臣此何
語老夫龍鐘尚能飯珍重裁詩答故人草堂不為養閒身但使
青雲求補袞還將白髮着綸巾

贈顧君猷沉陰樓逸詩

舒公持論真竒絕浩蕩東吳亡無人昨日忽然稱顧子四座答
遲便欲嗔顧子何所似飛者為鳳走者麟其學何所似處不過
士出大臣胸中何所有上下四方羅星辰口中何所論動以事
天靜事民今年甲申方初春雨雪淨洗街道新西域由來好風
俗清筵法衆無四隣聖嘆端坐秉雙輪風雷輟擲孰敢親譬如
強秦負函谷六國欲戰猶逡巡善求顧子獨微笑三十六處爛
如銀謂我了不異人意何用多言搖精神手持顧子三太息奈
何於此生悲辛聖學失傳至今在我爾獨賴為其薪嗚呼只今

天下大亂殊未已我終欲爾持人倫

唱經堂遺書目錄

外書

第一才子書莊子

七篇是經外篇
禘篇分配未竟

第二才子書離騷

亦有經有傳未竟

第三才子書史記

未竟

第四才子書杜詩

第五才子書

第六才子書

批左傳

才子古文

唐才子詩

程墨才子

小題才子

襍批未竟書

詩文全集

唱經堂遺書目錄

內書

大易義例私鈔 二本

大易講場私鈔 四本

涅槃講場私鈔 共十一本

華講場私鈔 一本

法華三昧私鈔 一本

寶鏡三昧私鈔 一本

一代時教私鈔 一本

第四佛事私鈔本

聖自覺三昧私鈔本

內界私鈔本

法華百問本

南華前摩未竟一本

五智印圖未竟一本

講場儀軌本

禠疏本

西域風俗記本

童壽六書本

離文字說本

聖人千案本

通宗易論本

莊子字製本

唱經堂著述總目見於金昌所刻第四才子書杜詩解四卷附頁其中詩文全集列入內書據陳登謂原並未刊行此沈吟樓詩選一冊錄古今體詩三百八十四首有雍正五年吳江李重華序云係聖歎之婿沈亦書錄出大興劉繼莊處士選訂以鈔骨字迹及紙色審之應為乾隆初年鈔本並從李序中知聖歎尚有外孫元一元景二人慧且博有先生風幼受書母夫人一節為各家記載所未及則此詩選流傳必不甚廣也聖歎原名采鼎革後更名入瑞稗史有云本姓張氏或云名喟皆臆造不足據卒時為順治十六年辛丑七月十三日其生年無可攷僅見楊保同所輯聖歎軼事云生於三月二日又錢蒙叟撰天台泐法師靈異記述天啓七年事已稱金生采則當生於萬曆年間矣詩中所述諸人姓氏可考者斲山為長洲王氏按西廂闌簡批語有云吾友斲山王先生文恪之孫廖燕撰聖歎傳云斲山為俠者流與聖歎交最善一日以三千金與聖歎曰君以此權子母爾越日揮霍已盡斲山一笑置之邵寶撰王文恪墓

志公有男延喆延素延陵延昭四人延喆為昭聖白皇后之甥少以椒房入宮中
性豪侈斲山与之相類或即其所出也貫華先生為韓任字嗣昌道樹為
王伊字學伊西廂驚夢批語云知聖歎此律者居士貫華先生韓任道
樹先生王伊既為同學法得備書崇禎十四年初刻本七十回水滸傳版心
有貫華堂字樣即嗣昌所刻周亮工賴古堂尺牘新鈔謂金彩有貫華
堂集誤以水滸版心所刊為聖歎某名乾隆蘇州府志亦沿其誤皆宜改
正獨牛史名修齡善詠詩百詩名若璩為經學大師閩氏順治時僑居
淮安後歸原籍太原詩中同遊鄧尉虎丘正其寓蘇之時邵僧彌名
彌長洲人吳梅村所詠畫中九友之一文彦可名從簡衡山曾孫端容之父
家兄長文係聖歎族兄名昌字長文號雙翁羽法名聖瑗曾撰第二才子書
離騷經跋及第四才子書杜詩解序詩選中鼠肝蟲臂一首即臨難時
寄示長文之作兒子雍字釋弓按聖歎才子尺牘卷首有男雍釋弓撰

五字哭廟紀略載聖歎有一子曾請此仙題號此仙判曰斷牛及聖歎獲罪
妻子流寓古塔詩選內亦有與兒子雜七絕一首此可正梁拱辰池上祠堂
筆記所云聖歎無子之誤杜詩解卷二有附錄聖歎幼年所作五律一首
營之復營之情性易為工留濕生螢火張燈誘小蟲笑帝兼飲食來往
自西東不覺閑風日居然頭白翁今詩選內不載其遺佚固已多矣聖歎
之墓在蘇州城外五峯山下博士塢至今猶存十餘年前張仲仁一廬者撰陽
山十八祠記謂蘇州泮闕陽山東麓有土地廟塑象十八人衣冠各異故老相
傳即哭廟彙中同難者之象又謂哭廟諸生懷光復明社之志緹騎搜其
家得與嘉興友人書多不諱語故借哭廟事以罪之今閱詩選中如甲申秋
興效李義山絕句塞北今朝元暉未述得生事諸作亡國之思觸處多有
當時文網綦嚴犯者輒有不測選此詩時想見慎之又慎而仍不免錯雜其
間則此詩後之流傳不廣良有以也劉繼莊生順治五年卒康熙三十四年

全謝山為立傳云年十九寓吳中居吳江者三十年則繼莊始寓吳時為
康熙五年金釋弓已於前數年流寓古塔而繼莊所著廣陽雜記有與
釋弓问答南華會解之語似釋弓後曾歸吳方有此事惜無他種
資料可為互證也辛卯孟春俞鴻壽讀後記

